

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (7). i 45. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva za 2019. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2019. godinu

I.

Usvaja se Program utroška namjenskih sredstava iz oblasti šumarstva za 2019. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19) u iznosu od 1.125.400,00KM (slovima: milionstotinudvadesetpetiljadačetiristotine konvertibilnih maraka) predviđena za tekuće rashode čuvarske službe, nabavku opreme, izradu šumsko-privrednih osnova za šumsko-privredna područja Zeničko-dobojskog kantona, pošumljavanje i druga ulaganja za unapređenje šuma i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu - Kantonalna uprava za šumarstvo i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/19
Datum, 07.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za poljoprivredu,
šumarstvo i vodoprivredu,
1x Kantonalna uprava za šumarstvo (putem ministarstva),
1x Ministarstvo finansija,
1x a/a.

P R O G R A M

utroška namjenskih sredstava iz oblasti šumarstva za 2019.godinu

UVOD

Osnov za izradu Programa utroška namjenskih sredstava iz oblasti šumarstva za 2019.godinu čine Zakon o šumama («Službene novine Zeničko-dobojskog kantona» broj: 8/13, 1/15) i Budžet Zeničko-dobojskog kantona usvojen za 2019.godinu šumama («Službene novine Zeničko-dobojskog kantona» broj: 3/19).

SVRHA PROGRAMA

Svrha izrade Programa je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2019.godinu, kao i za koje namjene i u kojem iznosu će planirana sredstva biti utrošena.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, u Budžetu Zeničko-dobojskog kantona za 2019.godinu, planirani su u iznosu od **1.125.400,00 KM**, a čine ih sredstva planirana po osnovu slijedećih naknada :

1. Naknade za općekorisne funkcije šuma	484.400,00 KM
2. Naknade za obavljanje stručnih poslova u privatnim šumama	366.000,00 KM
3. Naknade u postupku promjene namjene šumskog zemljišta (krčenja šuma)	100.000,00 KM
4. Naknade za korištenje državnih šuma	50.000,00 KM
5. Naknade za štete pričinjene državnim šumama i šumskom zemljištu	45.000,00 KM
6. Sredstva za proširenu biološku reprodukciju šuma	80.000,00 KM

Ukupno	1.125.400,00 KM
--------	-----------------

KRITERIJI ZA UTROŠAK SREDSTAVA I NAČIN UTROŠKA

Namjenska sredstva planirana u visini od 1.125.400,00 KM, namijenjena su za finansiranje izdataka navedenih u tabelarnom pregledu :

R B	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Naknade za korištenje državnih šuma	Naknade od šumskih šteta u državnim šumama	Naknade od proširene biološke reprodukc. šuma	Ukupno planirana namjenska sredstva kol. (3 do 8)
1	2	3	4	5	6	7	8	9
1.	Izdaci za bruto plaće	152.400,00	-	-	-	-	-	152.400,00
2.	Naknade troškova zaposlenih	43.000,00	-	-	-	-	-	43.000,00
3.	Doprinosi poslodavca	16.000,00	-	-	-	-	-	16.000,00
4.	Izdaci za materijal i usluge	98.000,00	80.000,00	-	-	5.000,00	-	183.000,00
	4.1 .Putni troškovi	2.000,00	-	-	-	-	-	2.000,00
	4.2. Energenti	11.000,00	-	-	-	-	-	11.000,00
	4.3. Komunalne usluge	16.000,00	-	-	-	-	-	16.000,00
	4.4. Nabavka materijala	15.000,00	50.000,00	-	-	-	-	65.000,00
	4.5.Izdaci za gorivo	25.000,00	25.000,00	-	-	-	-	50.000,00
	4.6.Izdaci za zakup prostora	11.000,00	-	-	-	-	-	11.000,00
	4.7.Tekuće održavanje	7.000,00	-	-	-	-	-	7.000,00
	4.8. Izdaci za osiguranje	1.000,00	-	-	-	-	-	1.000,00
	4.9. Ugovorene usluge	10.000,00	5.000,00	-	-	5.000,00	-	20.000,00
5.	Nabavka opreme	45.000,00	-	-	-	-	-	45.000,00
6.	Rekonstrukcija i invest..održavanje	130.000,00	286.000,00	100.000,00	50.000,00	40.000,00	80.000,00	686.000,00
	6.1. Izrada šumsko-privrednih osnova		256.000,00					256.000,00
	6.2. Nabavka sadnica		30.000,00					30.000,00
	6.3. Kontrola izrade šumsko-privrednih osnova						20.000,00	20.000,00
	6.4. Projekti iz oblasti šumarstva	130.000,00	-	100.000,00	50.000,00	40.000,00	60.000,00	380.000,00
	UKUPNO (od 1 do 6)	484.400,00	366.000,00	100.000,00	50.000,00	45.000,00	80.000,00	1.125.400,00

Izvori za finansiranje izdataka iskazanih u tabelarnom pregledu su niže navedene naknade propisane Zakonom o šumama («Službene novine Zeničko-dobojskog kantona» broj: 8/13, 1/15):

1. Naknade za općekorisne funkcije šuma

Na osnovu člana 50. Zakona o šumama («Službene novine Zeničko-dobojskog kantona» broj 8/13), naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu člana 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu 3. istog člana.

U Budžetu Zeničko-dobojskog kantona za 2019.godinu, po osnovu naknada za općekorisne funkcije šuma, planirani su prihodi u ukupnom iznosu od **484.400,00 KM**, namijenjeni za sljedeće:

1.1. Sufinansiranje rada čuvarske službe – tekući izdaci	309.400,00 KM
1.2. Nabavka opreme za potrebe Uprave.....	45.000,00 KM
1.3. Rekonstrukcija i investiciono održavanje- rekonstrukcija šuma i šumskog zemljišta	<u>130.000,00 KM</u>
	Σ 484.400,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 309.400,00 KM, namijenjena su za sljedeće izdatke:

Rb	Izdaci	KM	%
1.	Bruto plaće zaposlenih	152.400,00	49,3
2.	Naknade troškova zaposlenih	43.000,00	13,9
3.	Doprinos poslodavca	16.000,00	5,2
4.	Izdaci za materijal i usluge	98.000,00	31,6
	Ukupno	309.400,00	100,00

U ukupnim sredstvima planiranim za sufinansiranje rada čuvarske službe iz naknada za općekorisne funkcije šuma, najveće učešće imaju sredstva planirana za bruto plaće, naknade troškova zaposlenih i doprinos poslodavca, predviđena za deset novozaposlenih čuvara šuma, primljenih u radni odnos na period od godinu dana, počev od aprila 2019.godine. Za navedene namjene planirano je 211.400,00 KM ili 68,4% ukupno planiranih sredstava za sufinansiranje rada čuvarske službe.

Preostala sredstva u visini od 98.000,00 KM ili 31,6 % predviđena su za sufinansiranje izdataka za materijal i usluge, a odnose se na : putne troškove, troškove električne energije i grijanja odjeljenja Uprave, poštanske, telefonske i druge komunalne usluge odjeljenja , nabavku administrativnog materijala, kao i nabavka potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, otpremnih iskaza, knjiga panjeva, knjiga doznake i slično, izdatke za gorivo i registraciju terenskih motornih vozila i motora kojima raspolaže Uprava, izdatke za zakup prostora za odjeljenja Uprave, izdatke za tekuće održavanje namijenjene, prije svega, za troškove održavanja terenskih motornih vozila, izdatke za ugovorene usluge tj. zdravstvene usluge-povrede na radu, specijalističke kurseve iz oblasti šumarstva, informisanje, izdatke za posebne naknade na dohodak za zaštitu od prirodnih i drugih nesreća i sl.

Realizacija Programa pod tačkom 1.1. u dijelu koji se odnosi na finansiranje plaća i naknada vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih u Zakonu o javnim nabavkama i računa ispostavljenih za izvršene usluge.

1.2. Nabavka opreme za čuvarsku službu

Sredstva planirana pod tačkom 1.2. u visini od 45.000,00 KM, namijenjena su za nabavku kancelarijske opreme za odjeljenja i Upravu, u iznosu od 5.000,00 KM i za nabavku motornog vozila za potrebe Uprave, u iznosu od 40.000,00 KM.

Realizacija Programa pod tačkom 1.2. vršit će se u skladu sa procedurama propisanim u Zakonu o javnim nabavkama.

1.3. Rekonstrukcija i investiciono održavanje- rekonstrukcija šuma i šumskog zemljišta

Sredstva pod tačkom 1.3., planirana iz naknada za općekorisne funkcije šuma, predviđena su za rekonstrukciju šuma i šumskog zemljišta tj. za čišćenje i pošumljavanje opožarenih i devastiranih površina, provođenje šumsko-uzgojnih i zaštitnih mjera i za druge aktivnosti koje doprinose unapređenju šuma i za krajnji cilj imaju poboljšanje općekorisnih funkcija šuma :

- Rekonstrukcija i investiciono održavanje- rekonstrukcija šuma i šumskog zemljišta	130.000,00 KM
--	---------------

Realizacija Programa pod tačkom 1.3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama od 1.1. do 1.3. utemeljen je u članu 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2019. godinu planirani su u iznosu od 366.000,00 KM, a namijenjeni su za tekuće izdatke tj. izdatke za materijal i usluge za potrebe odjeljenja i za rekonstrukciju i investiciono održavanje, u niže navedenim iznosima :

2.1. Izdaci za materijal i usluge.....	80.000,00 KM
--	--------------

2.2. Rekonstrukcija i investiciono održavanje	<u>286.000,00 KM</u>
---	----------------------

Σ 366.000,00 KM

2.1. Izdaci za materijal i usluge

Za sufinansiranje izdataka za materijal i usluge, iz naknada za obavljanje stručnih poslova u privatnim šumama, planirana su sredstva u iznosu od 80.000,00 KM, a namijenjena su za:

- nabavku uniformi za zaposlenike čuvarske službe, u iznosu od 50.000,00 KM
- izdatke za gorivo, u iznosu od 25.000,00 KM
- ugovorene usluge, u iznosu od 5.000,00 KM

Shodno odredbama Pravilnika o čuvanju šuma („Službene novine Zeničko-dobojskog kantona“, broj: 13/13), prilikom obavljanja poslova čuvanja šuma, čuvari šuma kao službena lica, obavezni su nositi uniformu. Uniformu čine: zimski komplet i ljetni komplet. Zimski komplet se sastoji od: zimsko odijelo sa dvoje pantalone, dvije košulje dugih rukava, kapa, dolama, zimske cipele (terenska-poluduboka cipela) i gumene čizme. Ljetni komplet čini: ljetno odijelo sa dvoje pantalone, dvije košulje kratkih rukava, kapa i ljetne cipele (terenska-poluduboka cipela). Istim Pravilnikom propisan je rok trajanja uniformi od 24 mjeseca. U 2019. godini planirana je nabavka uniformi za 80 čuvara šuma koji su u stalnom radnom odnosu i 10 uniformi za novozaposlene čuvare šuma.

U okviru iznosa planiranog za gorivo, u cilju ušteda, dio sredstava u visini od 10.000 KM, predviđen je za ugradnju plina u terenska motorna vozila kojima raspolaže Kantonalna uprava za šumarstvo.

Realizacija Programa pod tačkom 2.1. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.2. Rekonstrukcija i investiciono održavanje

Iz naknada za obavljanje stručnih poslova u privatnim šumama, u 2019. godini, za rekonstrukciju i investiciono održavanje planirana su sredstva u visini od 286.000,00 KM, namijenjena za :

2.2.1. Izrada šumsko-privrednih osnova za privatne šuma 256.000,00 KM

2.2.2.. Biološka obnova i unapređenje šuma, obnova šuma od prirodnih nepogoda, požara i slično 30.000,00 KM

2.2.1. Na osnovu člana 53.stav (1) tačka c) Zakona o šumama («Službene novine Zeničko-dobojskog kantona» broj 8/13), iz namjenskih sredstava prikupljenih u Budžetu, finansira se izrada šumsko-privrednih osnova za privatne šume. Prema članu 6.stav (1) istog Zakona, šumama na području jednog šumsko-privrednog područja gospodari se po odredbama šumsko-privredne osnove, a ista se izrađuje za period od deset godina i njene odredbe su obavezujuće. Obzirom da rokovi za primjenu dosadašnjih šumsko-privrednih osnova ističu u 2018 i 2019. godini, Kantonalna uprava za šumarstvo je u 2017. godini pokrenula aktivnosti vezane za izradu osnova za područje Zeničko-dobojskog kantona.

Nakon provedenih procedura propisanih Zakonom o javnim nabavkama, u novembru 2017. godine je, sa JP“Bosanskohercegovačke šume“ d.o.o. Sarajevo, izabranim za najpovoljnijeg izvođača radova, zaključen trogodišnji ugovor (2017-2019. godina) u vrijednosti od 505.440,00 KM. Za dio radova na izradi šumsko-privrednih osnova predviđenih u 2019. godini, u Budžetu za

2019.godinu, planirana su sredstva u visini od 256.000,00 KM;

2.2.2. Sredstva planirana pod tačkom 2.2.2. Programa, namijenjena su, shodno članu 53. Zakona o šumama, za biološku obnovu i unapređenje šuma, tj. za učešće u finansiranju pošumljavanja šumskog zemljišta u privatnom vlasništvu (nabavka sadnica na osnovu dostavljenih zahtjeva vlasnika privatnih šuma), obnovu šuma od posljedica prirodnih nepogoda, požara i slično.

Realizacija Programa pod tačkom 2.2. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama utemeljen je u članu 53. Zakona o šumama.

3. Naknade u postupku promjene namjene šumskog zemljišta (krčenje šuma)

Na osnovu člana 43. Zakona o šumama i tačke IV Odluke o načinu pretvaranja šumskog zemljišta u građevinsko („Službene novine Federacije BiH“, broj 108/12), promjena namjene šumskog zemljišta u građevinsko može se dozvoliti samo ako je to predviđeno važećim planom prostornog uređenja.

Vlasnik zemljišta kojem se odobri zahtjev za promjenu namjene zemljišta ima obavezu da, prije početka radova, uplati naknadu čiju visinu utvrđuje stručna komisija formirana ispred kantonalnog ministarstva. Naplaćena sredstva su namjenski prihod Budžeta Federacije BiH u visini od 40%, odnosno namjenski prihod budžeta kantona u visini od 60% i ista se, na osnovu tačke IV Odluke mogu koristiti samo u svrhu podizanja novih šuma.

U Budžetu za 2019.godinu, po osnovu naknada za promjenu namjene šumskog zemljišta (krčenja šuma), shodno gore navedenim propisima, planirana su sredstva u visini od 100.000,00 KM, namijenjena za:

3.1. Rekonstrukcija i investiciono održavanje - podizanje novih šuma	100.000,00 KM
--	---------------

Realizacija Programa pod tačkom 3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na osnovu člana 43. stav 2. Zakona o šumama.

4. Naknada za korištenje državnih šuma

Na osnovu člana 38. i člana 51. Zakona o šumama, naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvnih šumskih proizvoda.

U Budžetu za 2019.godinu, po osnovu naknada za korištenje državnih šuma planirani su prihodi u visini od 50.000,00 KM, namijenjeni za :

4.1. Rekonstrukcija i investiciono održavanje 50.000,00 KM

Pod rekonstrukcijom i investicionim održavanjem podrazumijeva se, prije svega, podizanje, održavanje i zaštita šuma, ali i druge aktivnosti u cilju unapređenja šuma.

Realizacija Programa pod tačkom 4. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za korištenje državnih šuma utvrđen je u članu 53. Zakona o šumama.

5. Naknade za štete pričinjene državnim šumama i šumskom zemljištu

Na osnovu člana 10. stav 6 Zakona o šumama, pravna i fizička lica koja nanese štetu u državnim šumama i šumskom zemljištu, po bilo kom osnovu, dužna su, nosiocu prava upravljanja državnim šumama i šumskim zemljištem, nadoknaditi štetu. Naknada za pričinjenu štetu utvrđuje se prema važećem odštetnom cjenovniku, a uplaćuje se na depozitni račun kantonalnog budžeta.

Po osnovu naknada za štete pričinjene u državnim šumama i šumskom zemljištu, u Budžetu za 2019.godinu planirana su sredstva u visini od 45.000,00 KM, a predviđena su za slijedeće:

5.1. Izdaci za materijal i usluge 5.000,00 KM

5.2. Rekonstrukcija i investiciono održavanje 40.000,00 KM

Sredstva planirana pod tačkom 5.1 namijenjena su za izdatke za sudske takse tj. troškove sudskih izvršenja vezanih za prinudnu naplatu pričinjenih šteta po pravosnažnim sudskim odlukama, kao i druge izdatke planirane u okviru ugovorenih usluga.

Sredstva planirana pod tačkom 5.2. namijenjena su za rekonstrukciju šuma i šumskog zemljišta, a realizovat će se na osnovu kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za štete pričinjene državnim šumama i šumskom zemljištu, utvrđen je u članu 53. Zakona o šumama.

6. Sredstva za proširenu biološku reprodukciju šuma

U Budžetu Zeničko-dobojskog kantona za 2019.godinu, osim prihoda planiranih na osnovu kantonalnog Zakona o šumama („Službene novine Zeničko-dobojskog kantona“ broj: 8/13) planirani su i prihodi po osnovu naknada za proširenu biološku reprodukciju šuma, propisani Zakonom o šumama Federacije BiH („Službene novine Federacije BiH“ broj: 20/02) čija primjena je prestala krajem 2009.godine. Radi se o prihodima po osnovu naknada za proširenu biološku reprodukciju šuma, ostvarenim u periodu: decembar 2014godina–novembar 2017.godina tj. u vrijeme trajanja Vansudske nagodbe o načinu izmirenja obaveza po osnovu Zakona o

šumama Federacije BiH zaključene između Zeničko-dobojskog kantona, kao tužitelja, kojeg je zastupalo Kantonalno pravobranilaštvo Zenica i JP „Šumsko privredno društvo Zeničko-dobojskog kantona“ d.o.o. Zavidovići.

Na osnovu Zakona o šumama Federacije BiH kantonalna šumsko privredna društva su imala obavezu da sredstva za proširenu biološku reprodukciju šuma uplaćuju na kantonalni račun, a Kanton je imao obavezu da nakon izvršene uplate, shodno odredbama navedenog Zakona, dio uplaćenih sredstava transferira na račune općina za razvoj nerazvijenih dijelova općine, a preostali dio sredstava da zadrži na kantonalnom računu i usmjeri za poslove obuhvaćene proširenom reprodukcijom šuma.

U Budžetu za 2019.godinu, dio neutrošenih sredstava od naknada za proširenu biološku reprodukciju šuma, ostvarenih u periodu 2014-2017.godina po osnovu vansudske nagodbe, planirano je za:

- Rekonstrukcija i investiciono održavanje 80.000,00 KM

Sredstva za rekonstrukciju i investiciono održavanje, planirana u visini od 80.000,00 KM, predviđena su, shodno članu 6. stav 11. Zakona o šumama, za finansiranje nadzora-kontrole nad izradom šumsko - privrednih osnova za privatne šume u iznosu od 20.000,00 KM, kao i za finansiranje drugih poslova koji se odnose na unapređenje šuma, a koji će biti realizovani na osnovu kandidovanih i komisijski odobrenih projekata, u iznosu od 60.000,00 KM.

Realizacija Programa pod tačkom 6. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava pod tačkom 6. sadržan je u članu 53. kantonalnog Zakona o šumama.

Utrošak namjenskih sredstava iskazanih u Programu za 2019.godinu, odobrvat će se posebnim zaključcima Vlade Zeničko-dobojskog kantona koje će predložiti Ministarstvo za poljoprivredu, šumarstvo i vodoprivredu - Kantonalna uprava za šumarstvo.

Ukoliko se, iz određenih razloga, namjenska sredstva predviđena Programom za 2019.godinu ne utroše u cjelosti, preostala sredstva će biti prenesena u narednu godinu.

Broj: 02-_____/19
Datum, 07.05.2019. godine
Z e n i c a

PREMIJER

Mirza Ganić